

松滋縣志卷之一

輿地志

松滋居南郡上游亦荆楚一要區也東接郢都西控夔陵南跨巫中北枕荆陽洞庭注其前蜀江遶其後九岡起龍金羊走馬諸山嶂互巒迴呈奇獻秀古人分區畫野卜邑於斯疆錯犬牙星分鵠尾令茲土者撫百里花封指掌而理之勿以彈丸小也社稷民人保障於是乎賴志輿地

松滋縣志

卷之一 輿地志

分野

**唐禮春官**保章氏以星土辨九州之地所封封域皆有分星以觀妖祥

**漢書地理志**楚北翼軫之分野也今之南郡江夏零陵桂陽武陵長沙及漢中汝南郡盡楚分也

**晉書天文志**十二次度數自張十七度至軫十一度為鵠尾於辰在巳楚之分野屬荊州

**陳卓郡國**躔次南郡入翼十度

按歷代史志所載翼軫楚之分野蓋舉全楚而





言晉志謂南郡入翼十度亦約畧指之以今府屬視昔之南郡幅員不及其半况松滋撮土豈能於翼十度間更析其分抄耶星野之說無事繁稱姑備二圖以識其大概云

分野總圖




松滋縣志

卷之一

輿地志

二

翼宿



丹元子步天歌云翼二十二星大難識上五下

五橫著行中心六箇恰似張更有六星在何處

三三相連張畔附



沿革表

統轄

郡

州

縣

併縣

周 楚

茲方 當為楚邑之始

西漢南郡

高成縣

言程 王莽改

晉 南郡

南河東郡

松滋縣

宋

南河東郡

松滋縣

宏農

臨汾 以上二縣孝建二年

松滋縣志

卷之一

輿地志

三

齊

河東郡

松滋縣

梁

河東郡

陳

河東郡

隋 南郡

河東郡 平陳郡廢

松滋縣

聞喜

唐 江陵府

松滋縣

譙縣 以上二縣河東郡廢

五代南平國

併入

宋 江陵府

松滋縣

枝江 熙甯六年併入

元 中興路

松滋縣



明 荊州府

國朝 荊州府

松滋縣

松滋縣

枝江 洪武十

年併入

松滋縣志

卷之一

輿地志

四



沿革

唐虞夏商周 古荊州域

春秋戰國 屬楚

**史記楚世家**安王二十五年蜀伐楚取茲方即今松

滋舊志載是年蜀伐楚取鳩茲註云即今松滋地考

**通鑑綱目**安王二十五年蜀伐楚無取鳩茲語寰宇

**記**云松滋一名祝茲即古鳩茲按春秋傳楚伐吳克

鳩茲杜註云鳩茲吳邑在丹陽蕪湖縣東今有鳩茲

港是也樂史以為松滋失之辨見路史

松滋縣志

卷之一 輿地志

五

秦 南郡

始皇二十六年分天下為三十六郡置南郡縣境屬南郡

舊志載秦分天下為三十六郡改郢都為郢縣即今松滋按廣輿記秦分郢置江陽縣漢景帝三年

改為江陵非松滋地

漢 南郡 高成縣 言程

項羽時為臨江國漢高帝元年更為臨江郡五年復

曰南郡景帝二年又為臨江國封子闕於此中二年復曰

南郡武帝元封五年置刺史部十三州南郡屬荊州

刺史荊州刺史領縣十八高成居十八府志王莽改高



成爲言程

前漢書

三國 南郡

初屬蜀漢尋屬吳

按**晉書地理志**後漢獻帝建安十三年魏武盡得荆

州之地分南郡以北立襄陽郡又分南陽西界立南鄉郡分枝江以西立臨江郡及敗於赤壁南郡以南屬吳吳後遂與蜀分荆州於是南郡零陵武陵以西爲蜀江夏桂陽長沙三郡爲吳南陽襄陽南鄉三郡爲魏而荆州之名南北雙立蜀分南郡立宜都郡昭

松滋縣志

卷之一

輿地志

六

烈崩後宜都武陵零陵南郡四郡之地悉復屬吳

晉 新郡 南郡

太康元年平吳改曰新郡尋復曰南郡縣境屬焉

東晉 南河東郡 松滋縣

**方輿紀要**東晉咸康中廬江松滋縣流民避兵至荆

乃僑立松滋縣屬南河東郡

**考晉地理志**元帝渡江後以河東人南寓者於

漢武陵郡孱陵縣界上明地僑立河東郡統安

邑聞喜永安臨汾宏農譙松滋廣戚八縣并寄



居焉永和五年桓溫入洛復置河南郡屬司州

**宋書州郡志**晉咸康三年征西將軍庾亮以司

州僑戶立南河東郡隸荊州宋初領八縣孝建

二年以大戚併聞喜宏農臨汾併松滋安邑併

永安領縣四聞喜永安松滋譙縣齊梁仍曰河

東郡隋廢郡以永安併入公安聞喜譙縣併入

松滋

宿松志載松滋有四而其實只有三攷松滋之

名始於漢昭帝始元五年封六安共王子霸爲

松滋縣志

卷之一

輿地志

七

侯國**漢書地理志**廬江郡有松滋注云侯國是

也今廢縣在宿松北後漢無松滋縣至晉初復

立又移屬安豐郡縣治亦移北百餘里**圖經**故

城在今霍邱縣東十五里**沈約宋書州郡志**稱

晉太康地志松滋縣屬安豐是也安豐郡本分

廬江郡立是安豐之松滋卽廬江之松滋也至

晉武帝又於尋陽僑置松滋郡安帝又省松滋

郡爲松滋縣皆遙隸揚州**晉書地理志**所載是

也**圖經**廢縣在今九江府德化縣東此松滋僑



縣之一若荊州南郡之有松滋縣晉書地道記

咸康三年以松滋流戶在荆土者立松滋縣

此松滋僑縣之二至今尚承東晉僑縣之舊名

也而宿松與德化則久弗稱松滋矣節洪亮吉與宿松文

學書

舊志載晉置武陵郡領樂鄉長林二縣攷李吉甫

甫元和郡縣志晉安帝於都縣地置樂鄉縣屬

武甯郡宋白曰樂鄉者春秋都國之地其城陸

抗所築在松滋縣界按樂鄉在今宜城縣樂鄉長林

松滋縣志

卷之一

輿地志

八

二縣皆屬武甯郡長林縣今荆門州地也宋白不知都縣為今宜城

遂以吳時之樂鄉城當晉時之樂鄉縣且以武

甯為武陵舊志蓋沿其誤

宋 南河東郡 松滋縣

宋領郡十二松滋隸南河東郡

南齊 南河東郡 松滋縣

齊領郡十松滋仍隸南河東郡

梁 江陵總管府 松滋縣

元帝平建康定都江陵尋入西魏以封後梁主蕭詧



爲附庸又置江陵總管府松滋屬焉

陳 南荊州

天嘉二年兼置南荊州於松滋尋罷

隋 荊州總管 南郡 松滋縣

開皇初廢總管府七年又置二十年改爲荊州總管

大業初復曰南郡領縣十松滋列第六

唐 江陵郡 南都 江陵府 松滋縣

武德四年仍曰荊州天寶元年改爲江陵郡上元二年號南都升江陵府隸山南東道置荊南節度使領

松滋縣志

卷之一

輿地志

九

縣八松滋列第六

五代 南平國

**五代史職方考**荆歸峽三州爲南平國松滋屬焉

宋 江陵府 松滋縣

宋曰江陵府建炎四年改荆南府淳熙中復曰江陵府屬荆湖北路領縣八松滋列第五

紹興間遷松滋於瀼口

卽今縣治

元 中興路 松滋縣

至元十二年改上路總管府天歷二年改中興路隸



河南行省曰荆湖北路領錄事司一縣七松滋列第  
四

舊志載元改松滋為鳩茲縣無攷註云殘碑尚存或  
沿古名之誤

明 荊州府 松滋縣

洪武甲辰年改為荊州府屬湖廣行省

元末地為陳友諒所據至

正二十三年友諒敗死荆南諸路悉歸於明

九年屬湖廣布政司尋改屬

河南二十四年還屬湖廣布政司領州二縣十一松  
滋列第五

松滋縣志

卷之一

輿地志

十

舊志載明仍改鳩茲為松滋亦無徵

國朝 荊州府 松滋縣

沿明舊制設荊州府領州縣如舊康熙三年屬湖北  
布政司雍正十三年置宜昌府分二州三縣屬焉松  
滋仍屬荊州府乾隆中分遠安屬荆門州今荊州府  
領縣七松滋列第五

疆域

松滋縣在荊州府治西南一百二十里由長江至府一  
百二十里陸路九十里由長江至省一千一百里由



內河八百四十里陸路六百五十里由陸路至  
京師三千三百里

縣境東西廣一百三十里南北袤一百九十三里  
東至古墻鋪九十里交江陵縣界

西至洋溪四十里交枝江縣界

南至界溪河一百九十里交湖南澧州界

北至大江三里交枝江縣界

東南至石子灘一百二十里交公安縣界又交湖南澧  
州界

松滋縣志

卷之一

輿地志

七

西南至起龍山八十里交宜都縣界

東北至澧市六十里交江陵縣界

附雍正十三年湖廣總督邁柱疏稱五峯司地勢開敞

爲石梁水長茅諸司總滙應於此處設縣報可乃割

長陽石門松滋枝江宜都等處地益之名其縣曰長

樂屬宜昌府據此則松滋疆域又交長樂界也

形勝

西接夔峽面江阻山亦南郡之要區

張居正縣治碑記

川江分三派而達郢地鶴山舒右翼而拱竺國通志



地據江漢上游而西與夔峽接高深清淑之氣磅礴而鬱積亦鍾靈毓秀地也舊志

八景 今增爲十景

月嶺殘陽

在縣西二十里其嶺高時當日沒時羣山俱暝此處映帶霞光秋冬之間怡人眺賞舊志

江亭晚釣

在縣東三十里一名南極亭亭瀕大江每於月明漏盡江干有弄笛聲微茫中若有漁者垂釣狀近視之

松滋縣志

卷之一 輿地志

三

聲影俱寂舊志

萊洲霽月

在縣北三里洲踞江水分流處每秋月澄空壺觴箕踞其上睨視之左右水光凝碧倒映兩月如雙璧然

舊志

靈濟曉鐘

靈濟寺處江畔忽有鐘浮水而至寺僧昇之懸寺東隅每至夜半不擊自鳴舊志

劍峯丹鼎



劍峯在縣南七十里相傳呂純陽煉丹於此上有丹  
池旁有寺以劍峯名明天啟元年有聲若鐘鳴二十  
一日弗止居民尋聲所自於常耕處獲丹鼎獻於邑

令王繼康

舊志

### 棲雲龍窟

縣西南九十里起龍山上有黑龍池旁有棲雲寺遠

近居人望此山雲物起滅以驗陰晴

互詳山川類

### 苦竹甘泉

苦竹寺在縣南九十里宋至和初有僧浚井得一筆

### 松滋縣志

#### 卷之一

輿地志

十三

後黃庭堅謫黔過此視筆曰此吾蝦蟇碣所墜也因  
知泉脈通蜀其味甘冽異常植管於他著土復活筍  
幹森然卽苦竹也移植地處不生

### 一柱蓬萊

一柱觀在縣東三十里渚宮故事劉宋臨川王義慶  
於羅公洲立觀甚大而惟一柱結構工巧儼若仙都

詳古蹟

### 程山晴雪

縣南程子山

詳山川類

每值冬雪初霽瓊瑤千仞林木皆



成玉幹琪花掩映日光玲瓏奪目邑人劉觀察用賓  
增爲十景之一

墨池春煙

縣南文公山詳山川類有洗墨池池水黝然如墨每值春

晴輕煙一縷與山光池影相映青翠欲流邑人黃觀  
察士瀛增爲十景之一

山川

松滋之山上接夔巫由夔陵宜都至樓子崖分  
脈北行歷鳳苞嶺蜿蜒百餘里臨大江起鳴鳳

松滋縣志

卷之一

輿地志

志

山面山之陰立縣治其水之相隨而夾送者東  
有紙廠河木天河黑石溪西有洋溪馬峪河洪  
溪先後入於江登大金山而左右顧指雲臺月  
嶺九岡金羊及程子文公諸山支分星列錯峙  
西南靈秀之氣可挹而得之東北則蜀江如帶  
環抱長隄橫跨三岡馬溪蝦子豆花諸湖天光  
雲影中菱舟漁艇出沒煙波如鵝鴨之聚散有  
時江汎泛溢則一碧萬頃茫無際涯所謂山國  
亦澤國也臚而列之可覘其概



鳴鳳山在縣南門外縣署與學宮皆面之上有鳴鳳亭  
今廢

起龍山在縣西南八十里矗兀插漢晴霽登臨彌望數  
百里俯視羣岫不啻崑嶺長江僅同一線諸湖所積  
作盃水觀峯頂舊有起龍道場相傳南宗禪師修行  
處西行數百步有峯對峙峯腰一石四面如削高三  
丈餘頂復覆蓋如盃飛簷四出狀類肩輿神工鬼斧  
不是過焉土人呼爲轎兒岩躡而上之其峯三面壁  
立而中平峯之隈有古刹曰棲雲寺寺旁有磑鐘坡

松滋縣志

卷之一

輿地志

五

草木皆下垂寺前有田十餘畝旁有池曰黑龍資以  
灌溉天霽則澄泓一碧鬚眉可鑑將雨則黝然如黑  
光之新發恍有神物動盪莫可端倪頃之線雲出自  
岩隙不崇朝而雨按起龍山本名滄山

**漢書地理志**

南郡屬縣高成滄山滄水所出是也又名誥賜山

程子山在縣南百二十里平原一望突起高陵嶙峋圓  
秀古松籠罩河流遶其東南時而微風皺縠樹影參  
差漁家小艇出沒於修篁疎柳間相傳明道先生嘗  
游此講學遂名



文公山在縣南九十里從起龍紆迴而東衆山皆止此  
獨搖曳南向昂出里許而河流滙於其麓前有三洲  
拖秀層疊若裊褥然相傳朱子守潭州時曾講學於  
此故名

九岡山寰宇記作九包在縣西南九十里秀色如黛蜿蜒虬曲  
山舊有亭爲一邑勝覽昔人題江亭詩江分三峽濁  
山帶九岡青謂此也

雲臺山在縣東南一百三十里孤峯秀出高可數百丈  
山腰四面有四隙大如甕口每雨前輒有雲氣出其

松滋縣志

卷之一

輿地志

六

中俗名擡山

雨臺山在雲臺山左三里昔人禱雨輒應

巴山一名麻山在縣西南十五里太平寰宇記荆南志

云春秋時巴人伐楚後遁而歸有巴復村在山北因

曰巴山晉書杜預傳太康元年牙門管定等夜襲樂

鄉起火巴山

繫馬山在縣西南一百二十里相傳關壯繆繫馬於此  
故名

竺園山在縣東三十里名勝志隨開皇間有西域僧過



此指謂人曰此山似吾舍衛國竺園因以名之自白  
泉寺九峯疊起至此陡住山有池名墨斗池池中水  
溢歲卽大水山下爲鹿頸坡

高峯山一名高山在縣南百里聳拔出羣山上頂有二  
池相傳唐慧禪師嘗栖此

石瓦山在縣西六十里山形鱗次如瓦因名

月嶺山在縣西二十里太平寰宇記山嶺彎彎如月月  
嶺殘陽爲縣八景之一

鳳凰山在縣南九十里形如鳳故名

松滋縣志

卷之一

輿地志

七

金羊山在縣南九十里昔人於山掘得石色如金形如  
羊故名

四明山在縣南百二十里壁立峻削怪石礧礧上有竹  
林清泉茅舍六七所

龍骨山在虎首寺東距縣六十里康熙十九年有異僧  
至此說戒山前古木一株忽化成石狀似龍骨因名

虎頭山在縣南五十里昂如虎頭因名

鶴山在縣南八十里似縮頸睡鶴故名

龜山在縣東三十里



黃龍山在縣南十里

岳龍山在縣南八十餘里昔名朝陽山

寨王山在縣南八十里

鷄鬪山在縣西南百五十里以形似名

獅子山在縣西南百二十里

石牛山在縣南百二十里

筆架山在縣西南四十五里三峯屹立秀色天然

雙泉山在縣南五十里上建朝陽觀觀前二泉分瀑潺

潺不絕明末兵燹觀燬神像猶存移置山下彭氏祠

松滋縣志

卷之一

輿地志

六

中

普濟山在縣南百二十里

安龍山在縣南百二十里

佛踏山在縣南百二十里

鳳鳴山在縣東南百二十里

秀峯在縣東南三里茂林深樹四時蔥鬱

雙劍峯在縣南七十里上有呂純陽煉丹臺劍峯丹鼎

爲縣八景之一

佑聖峯在縣南百二十里上有佑聖觀觀前有白鶴池



走馬嶺在縣西南十五里相傳漢昭烈入蜀走馬於此  
故名

桃子嶺在縣西南四十里

馬鬃嶺以形似名

鳳苞嶺在縣西南

阿彌巖在縣南八十里相傳有僧於此禮佛說法

樓子巖在縣西宜都界爲縣龍發脈之所

白鶴巖在縣西南百三十里

仙人巖在縣南百四十里上有石人對立五官曲肖

松滋縣志

卷之一

輿地志

九

卸甲坪從劉家場迤邐而進兩山對峙中通行人路甚

崎嶇相傳關壯繆卸甲於此有小坪建廟祀之

牛頭岡在縣東六十三里

九嶺岡在縣南百二十里

河清岡在縣東南六十里

鐵背岡在縣東南八十里

協屯岡在縣南四十里

高子岡在下六都

望京岡在縣南百三十里明參政傅瓚曾登此望京師



陶金岡在下五都

湖中岡在縣東南八十里

王家岡在縣東南八十里

祠堂岡在下十都

仙樓鄉在縣南百二十五里山峯矗起飛空如削頂有古廟

仙女洞在縣南一百四十里怪石森立洞出其下自門入燃炬可達者四五重每轉愈曲中有流水潺然洞之四壁舉手摩索光潔如漆其空嵌濶處約高八九

松滋縣志

卷之一

輿地志

三

丈頂旁有懸石遊人以物擊之在左者訇然若鐘在右者鏗然若鼓舊傳八九重內有石牀碁局明末居民避兵於此全活甚衆近爲流水壅沙所阻遂不能入

星辰洞在縣南四十里其山自五峯來洞門屹立中有龍潭深不可測歲早禱雨輒應

顏將軍洞洞門壁立千仞緣木而上俯視不寒自慄從門入可五六重約十五六里中容千人舊傳顏將軍兵敗居此明末鄉人避亂入者猶拾其盛甲器械攜



出則隨風而灰

紅巖子洞在縣南百九十里山勢巖業絕壁有洞門門距流水攀岸而上前有石屏高數尋從石屏旁入門肩濶闊堪容車馬進此復有重門漸入漸狹僅通一人過每重石室上層空嵌可容數百人下層可檻牲畜日光中來皦如皓月幾別一洞天矣深四十里許轉入轉幽俱不假火炬可至明末避亂入者近千人賊圍急苦無水忽居者失鵝遍覓不得行至洞窮處聞壁間鵝聲自石隙出就視之隙可容人緣之以入

松滋縣志

卷之一

輿地志

三

中有深潭鵝宛然在焉於是衆人得水以濟其生

靈龜洞在縣東三十里龜山下洞深不見底旱禱輒應梅平洞在縣西八十里名勝志云石壁高懸以三丈梯陟之始達中可容數百人有石床石磨石盆石鼓之屬

鶯兒洞在縣西南百四十里帽子嶺上洞深三四里內有奇勝

葫蘆洞在縣南百三十里山形如葫蘆上有洞洞中泉湧挂壁如練旁有二石板伏地土人持鋤揭之則隱



隱雷鳴亦異境也

響水洞在縣南百三十里洞口若城門其中宏敞溪從內出水色深綠如染頂垂鍾乳兩壁俶詭絕特奇形不一而足土人謂最深處有白骨殆先朝避亂者云水淹壩一名銅鼓坪在縣南百三十里大山叢嶺中歲收雜糧可千餘石四面山水流入隨注隨洩道光己酉雨多水溢歷月乃消咸豐末水忽大起浩瀚若平湖中產鯉鱧大者重數十觔獲而烹之味稍短萬山鱖巨之中而一水盈盈蕩漾激灑天光雲影發人清

松滋縣志

卷之一

輿地志

三

思投餌垂竿漁歌樵唱與松濤浪聲互答此景奇絕大江在縣西北一里亦曰川江由岷山至此分爲二派下流二十里復合爲一達於江陵

方輿紀要

江水發源岷山歷三峽建瓴而傾踰歸彝過宜枝經邑之北而東

府志

涓水在縣南發源涓山卽今起龍山有南北河二南河出山南上與澧州石門縣之溇水通今名梓楠坪節節石灘下由西寨石簾又二十里經楊林市又十里經紙廠河由申津渡入癸巳湖滙油水入江北河出



山北合麻水由磨盤洲入癸巳湖滙油水入江前漢  
**書地理志**南郡屬縣高成滄山滄水所出東入繇繇  
水南至華容入江過郡二行五百里**水經注**滄水出  
高成縣滄山東逕其縣東下至孱陵縣入油水

滂水隋書地理志南郡松滋有滂水禹貢錐指南江自  
枝江縣南又東逕公安縣西又東南流爲滂水**九歌**  
望滂陽兮極浦橫大江兮揚靈王逸注云滂陽江碕  
名附近郢卽此水之北也今公安縣有滂陽鎮王晦  
叔曰隋志松滋有滂水蓋東與公安接界滂卽古潛

松滋縣志

卷之一

輿地志

三

字**山海經**大時之山滂水出焉注滂音潛按松滋之  
滂非沱潛旣道之潛乃大江分流至松滋者首尾皆  
與漢無涉今澧州有滂水河與公安聯界處滂陽地  
亦在澧州蓋滂水自松滋入澧州而滙爲河也

三渡水南北河黃田河三水合流勢甚湍急

石簾河在縣南百餘里上流有龍潭又數里有龍洞下  
流合滄水

裴家河在縣南百餘里流入油水河流迅急無舟不可  
渡下流逕公安出洞庭



吳仁河在縣南自赤岸潭遠劍峯山麓而東流  
界溪河在縣南百餘里松澧交界處下流逕公安出洞

庭

黑淘河在縣南三十里相傳宋黃山谷洗筆處

紙廠河在縣南滄水所經下流入癸巳湖

木天河在縣東南三十里出白洋壩

竺園河在縣東三十里

西巖嘴河在縣南五十里

塘坊河在縣東四十里今湮

松滋縣志

卷之一

輿地志

十四

梅溪河自官渡遠起龍山南曲折而東與石簾合

冉家廟河在縣南四十五里

洛溪河在縣南百二十里

橋潭河在縣南百二十里

馬峪河在縣西十五里濱江澗谷之間水小而淺

大橋河在縣東二十里自橋上起至謝家塢下數十里

邇年盡沙淤

洋溪在縣西四十里與枝江縣交界北流入江

洪溪在馬峪下五里



學前溪自城南遠學宮前出閘口東入大江  
潘家溪在縣西五里濱江

黑石溪在縣西南八里逕龐家灣東流入江

清幽溪在縣東南四十里自澧州慈利縣之添坪麻寮  
三所流逕此分爲二支一至公安縣西六十里孫黃  
渡入江一至江陵縣虎渡口入江

洋子溪在縣西近耆閣寺流入唐林湖

嚴家溪在縣南百三十里

柳家溪在縣南百三十里

松滋縣志

卷之一

輿地志

三

南港在縣東南八十里

板橋港在縣東六十二里

余家潭在縣東三十里隄防要口也

龍潭在縣東十里相傳有龍潛此

石子灘在縣東南百三十里水流三叉連公安及澧州  
界

灤口在縣東南二里南宋高宗紹興二年遷松滋於灤  
口

灌子口在縣西一里



采穴口在縣東五十里今湮

沱老坑在縣治東六里

邱家湖在縣東三十里中有羅公洲

西湖在縣東南濶十里餘中多菱芡南接山麓東環河  
流

馬溪湖在縣東五十里西有蓮花墻長二十里舟行其  
間萬紅競秀香滿衣裾

豆花湖在縣東六十里東接張伯湖南鄰沙河西通馬  
溪北近大隄

松滋縣志

卷之一 輿地志

三

張伯湖在縣東八十里濶二十餘里地極低窪今已淤  
平浣市南行十五里

老驛湖在縣東六十里

楊林湖在縣東南三十里

三岡湖在縣東南流入公安縣界水環四十餘里中有  
鐵觜岡湖中岡王家岡又有王家湖唐林湖蝦子湖  
大口湖大耳湖水漲則合水落則分按三岡湖東連  
公安之巨紀二湖流達洞庭瀨淼無際每風起輒浪  
涌不可渡環湖之民貧而苦澇衣食徭役皆取給於



漁

王家湖近三岡湖畔

蝦子湖近三岡湖

唐林湖踞三岡湖之東

元壇湖踞公安赤腳湖之西

大口湖場庄北去三里

大耳湖金羊山東行十五里

董家湖在采穴東南四里地以湖名實非湖也今則真

爲澤國

松滋縣志

卷之一

輿地志

七

謝家湖在縣東南一百二十里邇年淤塞

洋溪湖在謝家湖南

天鵝湖在縣東三十里約千畝土人牧漁樵採恒賴之

自道光二十九年盡沙淤

雷家湖在縣東三十里約五百畝亦以隄潰沙淤

杜家湖與雷家湖相近亦沙淤

陶家湖在縣西南四十五里水由洋溪通江

石泉在縣治東仁威觀前水出石潭中四時不竭

竹泉在縣南九十里苦竹寺前苦竹甘泉爲縣八景之



八眼泉一名六眼泉在縣西南四十五里分八眼湧出復合

為一為木天河水源

溫水泉在縣南百一十里

五眼泉在縣南百二十里

湧珠泉在縣南百三十里官橋細溜淙淙如濺珠邑紳

謝觀察元淮鑿以石欄有題詠

中嶺泉在縣南百二十里泉出山腰

白田泉在縣南百二十里泉出白田坪

松滋縣志

卷之一

輿地志

三

吸馬泉在縣西南六十五里相傳有馬飲此被吸入故名

麻山井在縣西南十五里旁有漢景帝祠

義井在縣西南五十里寶教寺旁昔僧人淘浚以濟往

來行人

蓮花池在縣治西隅城隍祠後伍忠襄公所濬池也

天鵝池在縣治北門外明湘獻王養天鵝於此今沒於

大江

白鶴池在佑聖峯大可畝餘泉從中出相傳有仙鶴浴



於此故名

上萊洲在治北三里江中兩洲相夾水分為三萊洲霽月為縣八景之一

裏河洲在縣東南九十里四圍皆河流環繞因名

羅公洲在縣東三十里

磨盤洲在縣東六十里

河夾洲在縣北五十里洲內腴田近二百頃其北大隄二十餘里其南為圭形隄亦十餘里道光十三年居民於洲南填築缺陷俾二隄連接為垸屢獲豐登自

松滋縣志

卷之一

輿地志

三

咸豐庚申江陵隄潰未築下流淤塞水歸垸內者日積日深無可疏消致令閤洲沈沒舍宇無一存者

古蹟

鄖城在縣東南五十里楚昭王使鄖公所築亦名楚城今為古牆

高成故城在縣南漢置

舊志

松滋故城在今縣西晉置

舊志

諸葛城在縣東五十里名勝志武侯所築

樂鄉城在縣東七十里水經江水逕樂鄉城北注吳陸



抗所築後王濬攻之獲水軍督孫景於此渚胡三省  
**通鑑注**樂鄉城在今松滋縣東城北江中有沙磧對  
岸蹈淺可渡江津要害之地也

上明城地理通釋郡縣志上明故城亦謂桓城在松滋

縣西一里居上明之地桓冲所築故兼二名苻堅南  
侵冲爲荊州刺史渡江南上明築城以禦之水經江

水東逕上明城北晉書太元中苻堅寇荊州桓冲

徙渡江南使劉波築之移州治城其地夸敞北據大

江地理通釋上疏曰自中興以來荊州所鎮隨宜迴轉

松滋縣志

卷之一

輿地志

三

今宜全重江南輕戍江北於是移鎮上明

射塚巖在縣西南十五里濱江直立如侯漢昭烈入蜀  
經此隔江戲射矢至沒羽故名

一柱觀名勝志邛家湖在縣東三十里中有羅公洲看

晉書故事云劉宋臨川王義慶於羅公洲立觀甚大而

惟一柱劉孝綽詩經從一柱觀出入三休臺杜甫詩

孤城一柱觀落日九江秋一柱蓬萊爲縣八景之一

宋紹興二十年松滋令呂令問移觀之名於大橋見

通志



棲霞樓宋臨川康王劉義慶建始興郡在羅公洲樓下  
洲上果竹交蔭長楊旁映高梧前竦雖卽城隍趣同  
邱壑按魏了翁承天禪院叢蘭精舍記云君章未陽  
人也江陵特仕國耳渚宮故事謂其厭喧嗜寂徙居  
城西三里而盛弘之荊州記乃謂距城西者百餘里  
瞰州爲樓因名羅公洲按此二說則前後凡三遷今  
承天院故趾或始居或改卜未可知也

岑侯廟光武命岑彭取蜀曾駐師此地卒後邑人立廟  
祀之每祈禱輒應明末諸賊盤踞折椽毀棟狂風暴

松滋縣志

卷之一

輿地志

三

起飛瓦拔木擊死甚衆

舊志

江亭一名南極亭在縣東三十里唐杜甫有泊松滋江

亭詩見藝文江亭晚釣爲縣八景之一

亭今廢

古城店在縣東八十里今名古牆與江陵接壤處杜甫

有行次古城店泛江呈江陵幕府諸公詩見藝文

劉虬宅在縣陟岷寺

渚宮故事

褚都督義門在縣境 松滋有褚都督義門相傳是褚

遂良子孫宋鄭獬有詩

名勝志

傅參政宅在苦竹寺前今有宅基掘地每得黑土如米



能治心痛相傳傅公米倉地也打石坡在其西當年打石造宅處

飛仙觀宋理宗淳祐二年道士趙以清自蜀來楚隨鶴卜地時吉國公孟珙爲荊湖制置大使建牙松滋鶴止其園遂捨以建觀親書額曰飛仙

鄉里村鎮

松滋編戶二十一里

太平寰宇記松滋縣舊五鄉今六鄉元豐九域志松

滋縣十六鄉明一統志松滋縣二十三里

松滋縣志

卷之一

輿地志

三

今分二十一都

中二都 其村鎮曰朱家舖在縣東十五里

下一都 其村鎮曰新場在縣東三十里

上三都 其村鎮曰馬峪河在縣西十五里

下三都 其村鎮曰竺園市在縣南三十里

上四都 其村鎮曰洋溪市在縣西四十里抵枝江界

下四都 其村鎮曰穴屯岡曰王家橋在縣南六十里

上五都 其村鎮曰磨盤洲在縣東南六十里

下五都 其村鎮曰馬家橋在縣東南四十里



上六都 其村鎮曰紙廠河在縣南七十里

下六都 其村鎮曰陳家場在縣南七十里曰楊林市

在縣南九十里

上八都 其村鎮曰采穴市在縣東北四十里

下八都 其村鎮曰浣市在縣東北六十里曰古牆埠

在縣東九十里抵江陵縣界

上九都 其村鎮曰煖水街在縣西南一百五十里曰

劉家場在縣西南一百三十里曰偏沙河在

縣西南一百八十里抵石門縣界

松滋縣志

卷之一

輿地志

中九都 其村鎮曰石簾在縣南一百二十里

下九都 其村鎮曰西寨在縣南一百三十里

上十都 其村鎮曰饒家嘴在縣西南一百五十里曰

寶塔寺龜山抵石門縣界

下十都 其村鎮曰盧家坪在縣南一百里

十一都 其村鎮曰伍家場在縣南一百里

十二都 其村鎮曰街河市在縣南九十里

朱市都 其村鎮曰高學屋在縣東南一百三十里曰

石子灘在縣東南一百二十里



更名都 其地三岡湖王家湖大耳大口等湖在縣東

八十里抵公安所屬之港關

各鄉地勢

上三都 上四都 下四都 上九都 中九都

下九都 上十都 十二都 朱市都

以上九都為高鄉

下三都 上五都 上六都 下十都

以上四都介高低之間

中二都 下二都 下五都 下六都 上八都

松滋縣志

卷之一

輿地志

三

下八都 十一都 更名都

以上八都為低鄉

紙廠河 街河 石簾 西寨 楊林

臺山坪 煖水街 竺園市 王家橋 斯家場

劉家場 洋溪 木天河 鄭家舖 楊家團

西望坪 天星觀 袁家畝 八眼泉 茶菴

長嶺 澗子峪 蕭家坪 穴屯岡 鄧家舖

鷄鳴寺 新豐市

以上皆在高鄉



大堰頭 朱家舖 大橋 新塲 草坪

采穴 磨盤洲 浣市 陶家舖 陳家塲

余家坪 丁家堞 李家堞

以上皆在低鄉

諸堞附

秦來堞在下八都

同秦堞在下五都

茶箕堞在下五都

何家堞在下五都

松滋縣志 卷之一 輿地志

觀音堞在下五都

小河堞在下五都

帥家堞在下五都

陳家堞在下五都

永固堞在下五都

蘭家堞在下五都

太平堞在上八都

廣家堞在上八都

鄧家堞在上八都



大湖垸在十一都

王家垸在十一都

打搶垸在十一都

子時垸在十一都

夾垸子在十一都

羅家垸在十一都

胡家垸在十一都

李家垸在十一都

瑤碧垸在下六都

松滋縣志

卷之一

輿地志

美

龜山垸在下六都

鷄鵝垸在上六都

合衆垸在下十都

郭家垸在下十都

永泰垸在南更名都

周家垸在上五都

嚴家垸在上五都

龔家垸在上五都

譚家垸在上五都



熊家垸在上五都

文家垸在下三都

許家垸在下三都

永盛垸在下三都

關家垸在上三都

時令

詩紀豳風禮詳月令重農務也時令雖天下所  
同志所必載以示應候急功及時趨事其課晴  
雨占豐歉備旱潦雖諺語方言有足驗者采而

松滋縣志

卷之一

輿地志

三

附之以當農桑之譜

孟春正月爲陬月斗建寅日在虛律中太簇曰履端曰  
端月又曰孟陽曰元旦曰上日又曰新日曰四始曰  
三元董勳問禮俗云一日爲雞二日爲狗三日爲豬  
四日爲羊五日爲牛六日爲馬七日爲人八日爲穀  
其日晴所主之物育陰則災西清詩話子美詩元日  
至人日未有不陰時此東方朔占書也元宵初日古  
百果中日晚稻末日早稻諺曰雨打元宵燈早禾一  
束稿



仲春二月爲如月斗建卯日在營室律中夾鍾朔日曰中和節是日不宜晴諺曰二月初一日晴山林樹木兩度青社日雨曰社公雨堤要錄云社翁社母不飲舊水陸龜蒙詩云幾點社公雨一番花信風又以驚蟄日占一春晴雨

季春三月爲宿月斗建辰日在婁律中姑洗三日聽蛙聲午前鳴高田熟午後鳴低田熟唐詩云田家無五行水旱人蛙聲諺云清明宜明穀雨宜雨

孟夏四月爲余月斗建巳日在昴律中仲呂曰朱明又松滋縣志

卷之一

輿地志

三

曰景風立夏日青氣見東南吉否則歲多凶仲夏五月爲臯月斗建午日在參律中蕤賓夏至得雨豐稔諺云芒種無雨山頭無望夏至無雨碓頭無糠季夏六月爲且月斗建未日在東井律中林鍾曰煩暑曰溽暑又曰隆暑六日曰天貺節以是日晴陰占秋成旱潦立秋在月晦則早稻遲

孟秋七月爲相月斗建申日在箕律中夷則大火西流曰白商素節七夕以後占河影後三日而復見則穀賤七日而復見則穀貴



仲秋八月爲壯月斗建酉日在翼律中南呂秋分一日不宜晴中秋重雲則知次年元宵多雨諺曰雲掩中秋月雨打上元燈

季秋九月爲元月斗建戌日在軫律中無射曰飛霜迎節自一日至九日凡北風則穀價賤以日占月可知重陽若逢戌日則一冬無雨諺曰重陽戌遇一冬晴孟冬十月爲陽月斗建亥日在房律中應鍾曰良月曰正冬荆楚歲時記天時和煖似春謂之小陽春月朔曰陽朔以立冬日占晴雨諺曰立冬無雨看冬至冬

松滋縣志

卷之一

輿地志

三

至無雨一冬晴

仲冬十一月爲辜月斗建子日在箕律中黃鍾曰暢月冬至日青雲見於北方吉應來年豐稔否則主旱災季冬十二月爲涂月斗建丑日在南斗律中大呂曰窮陰又曰一陽換節大小寒多風雪損畜又正月以前宜雪諺曰要宜麥見三白

風俗

松滋之爲邑在江陵之西其民醅而易化

見松滋縣學記

士愿民樸孝弟力田

府志



松自流民僑置以來多五方雜處明季徙豫章民來實

茲土江右籍居多

舊志

西南近山而樸東北近水而悍

舊志

處山水間者俗醕而雅城市附郭之人秀而文

舊志

少儲蓄信卜筮中人之家多習於侈靡燕安

舊志

冠 古三加禮久廢男髮可束則加帽女髻可合則加

笄云

婚 初亦仿古納采問名禮具幣請庚然從簡畧者恒

多親迎禮亦不多見婦車至門設香案一人祝讚謂

松滋縣志

卷之一

輿地志

罕

之攔車馬婿先入迎新婦至堂行合巹禮飲交杯酒  
次日拜祖先卽古廟見禮次拜舅姑暨諸尊長各賜  
新婦拜錢二日入廚執爨作羹於是始焉

喪 三日殯禮也拘忌失之緩苟簡失之率絞紵衾冑  
貧以布富以帛或更以繇周裹而密束之加品服庶  
人則幅巾深衣三口成服受弔焉塋取藏深封固銘  
誌惟貴者始用俗好聽堪輿家言停柩僑厝改兆易  
構致體魄不安多崇信二氏鍾鼓鐃吹建齋誦經謂  
資冥福竟視爲一定常經幾於賢智不免噫是遵何



道歎志之以俟復古者裁正焉

按形家者言四書五經所不道朱子作家禮雖有擇地可葬之文要限以三月而葬之禮後世推求太甚至舉一身一家之禍福盡責之一坏之士過矣以趨避故茫茫焉不克定幽宮而妥先靈抑又惑矣禮親未葬服雖闋不釋衰絰志不忘也孝子之事未盡也循禮變俗不能無望於誦法先王者矣

祭 喪有成服祭發引祭牲用羊豕佐以庶羞平時大

松滋縣志

卷之一

輿地志

望

夫士庶人皆祭於寢案置主昭穆以序列獻用熟令節鷄豚蠶薨咸具士大夫朔望盛服如吉祭忌日素服素食

歲時瑣節

正月 元日夙興長幼以序拜祖先上下神祇子弟拜尊長飲屠蘇酒然後里人更相造拜市皆闔戶是日不洒埽取畜藏也朔之二三日蒸楮幣送祖先祭門神士民各就本業立春先一日邑令率僚屬迎於東郊騶從鼓樂士民連袂觀以五穀擲土牛越日邑令祀



太歲畢持赭鞭擊土牛以送寒氣是日送小春牛細民以其色占豐歉水旱元夕張燈度曲步月踏歌或拈詩藏謎招人猜索謂之打燈謎是月山農植松苗二月 長吏試耕於藉田勸農兒童放紙鳶社日祀社賽會飲宴爲樂田家多以是日浸穀種

三月 清明插柳標掛紙錢於先墓具酒菓拜掃焉前後各三日修墓謂無禁忌惟清明日忌掃墓不解何義

四月 農家始布穀

松滋縣志

卷之一

輿地志

望

五月 端午簪艾飲菖蒲酒採藥草屑雄黃和酒洒房室點小兒額謂辟疫或以大黃刻小葫蘆及獼猴繫小兒臂啗角黍更相饋遺江濱競渡歲以爲常

六月 六日曝書及衣物謂辟蟲蝕也又相傳是日壓桑條來春截而栽之則耐久不蛀

七月 七夕閨閣以瓜果祀牛女中元先期設香案祭祖先封紙錢成帙上書祖先親姻名號夕至空地焚化謂之寄包袱祿新喪則初十日便祭寺僧建盂蘭會具酒食楮幣饗冥漠無依者如有司之祭厲壇也



八月 二日祀社如仲春中秋棗栗菱芡皆登於市合餅餌設以慶月兼贈姻黨是夕有送瓜摸秋等俗

九月 九日士人登高飲菊花酒嘯詠爲樂

十月 是月樹麥已畢農功寢息始修築塘堰

十一月 冬至日合祭祖先於祠堂士大夫交相拜慶庶民不與焉

十二月 臘八日調粥名臘八粥以竹枝埽舍宇二十三日燔楮幣具茗送竈神剉草雜豆寘諸地謂餉輿馬除夕接竈亦然二十四日爲小年除夕貼桃符寫

松滋縣志

卷之一

輿地志

聖

春帖祀神及祖先畢尊卑敘飲日團年酒是夜爆竹聲達旦少長不寐以守歲分給子女錢謂壓歲錢

按松當開 國之初出水火而登衽席舊德先疇幸延勿墜自是累洽重熙家殷人足康熙雍正而後農桑禮樂蔚然盛矣然官有太倉之紅粟民有履霜之葛屨富而能儉文而有質近或馳逐時趨蓋藏漸竭游食日衆隸役繁多姦僞萌生獄訟滋起民氣蕭索輕去其鄉挽流弊奠攸居端有賴於主持風教者矣

